

Buh nombar ka ophis u SP lada

kano ka jingujor ki ki nombar phone ki long Mobile No: 8730940080 bad 9856084514 kine ki dei ki nombar kaba ki paidbah kila ban phone lada don kano kano ka jingujor haba iadei bad ka ilekshon.

Kane ka dei na ka bynta kane ka ilekshon MP sha Lok Sabha na ka bynta ka 1-Shillong (ST) Parliamentary Konstitwensi bad kitei ka nombar kin long beit tang na ka bynta jong ka Ri Bhoi District.

Tynrah ka Swift ia ka trok

tynrah jong kitei ki kali u nongñiah jong katei ka swift u la mynsaw jur na ka jingsangah ha u steering na ki bynta ka shadem haduh ba u la prie snam na shyntur. Ha katei ka kali Swift ki don lai ngut kiba shong tang ki shytrang suda uwei u ba shong ha khmat u la mynsaw malu mala.

Katsum ka jingiathuh jong u bah F.Nongsiej u ba ñiah ia katei ka trok pat, u la ong ba u nongñiah jong katei ka kali Swift u la pynter sted bha bad ha ka por ba u la kiar sharud shu ioh sngew kynsan jraiñ na ka shaka ba shadien ha kaba katei ka Swift ka la sied shadien kumba san mitar ei ei. Hadien katto katne por la wan poi ki pulit hynrei tang shiphang ki la leit noh katba ia kitei kiba mynsaw la pynkut noh sha hospital na ka bynta ban phah sumar.

Wat ba la bun kiba bret ñuit

ia ki jaboh hapoh ka thain Motphran.

Kumba la ju iohi man la ka sngi kine ki nala ha ka por mynstep ki la dap da ki ñuit kiba la bret hapoh ki bad kum ia kine iano kynnoh namar kane kadei ruh ka jaka kaba ju iaid ruh da ki brieve bad kiba shong dukan ha madan.

Lah ban ong ba ki don bun ki jaka ha kane ka thain Motphran kaba ia kynduh palat ia ka jingeh ha kaba iadei bad ka jaboh pathar, kumta ha kaba iadei bad kane ka kam la iohi shisha ia ka jingdon kam ia ki brieve bat ip ia ka lehkhuid bad kiwei ki kam ha kaba iadei bad ka jingleh khuid leh suba.

40 pyrton yn phah ka ECI

rukum pyrkhata kam kaba la dep pynbeit lypa.

Na ka liang u Tiwari u la iathuh ba baroh ki kam la dep ban pynbeit kiba la long katsum ka aiñ kiba la dep ioh ruh ia ki jingpyntip katsum ki jingdonkam jong ka kam.

“Ngi la dep ruh ban shim khia ha kaba iadei bad ki kam khappud ha shwa ban pynlong ia ka election. Ka Election Commission of India (ECI) ka la dep ruh ban pynmih ia ki jingbthah kiba donkam sha ki jylla kiba marjan jong kajylla,” u la ong. Shuh shuh u la iathuh ba kumba long haduh mynta ki la don kumba 2 tylli ki jingujor ha kaba iadei bad ka jingpynkheñ ia ka model code of conduct.

Mih ka IAP ban ia

adkar bad kumno ban pynsngewthuh shaphang ki jingngeit bieit shaphang ka Autism.

Te kumta, Ngi khot ngi wer sngewbha ia phi iwei pa iwei ban iasnoh kti lang ha ka ban ai jingsumar bad jingkyrshan ia u/ka khynnah ba shah ktah ha ka AUTISM, khnang ba ma ki ruh kin ioh lang ia ka lawei ba phymai.

Watla ki Liang Pyrshah ki ong ba ka sorkar kan ym neh, hynrei ngi la pyndep pura ia ka samoi : Conrad

Shillong, iaiong 01: U Myntri Rangbah ka jylla u Conrad Sangma u la ong ba ki Liang pyrshah kila ong ba ka kynhun synrop jong ka sorkar kan neh tang 2 bnai, hadien 6 bnai, hadien shisnem hynrei ngi la lah ban pyndep ia ka samoi ba pura.

"Ha u 2023, ki paidbah ka Meghalaya kila ai biang ka jingshaniah ha ngi bad ngi la lah ban thaw ia ka Sorkar bad ngin sa pyndep ruh ia kane ka samoi ryngkat ka jingjop," u la ong daba bynrap, "Hadien bun phew snem, ka la don ka Sorkar kaba skhem hapoh ka Jylla bad ki dang don shibun ki kam kiba hap leh na ka bynta ka jylla bad ki brieve jong ngi".

Ha kaba iadei bad ka jinglong jingman bad ka suk ka sain ha Jylla, u Myntri Rangbah u ong, "Ha kiba bun ki khep, ngi la mad ia ki

jingeh na ki jingmih ki jingkulmar hynrei ngi la lah pat ban tem ia ki. Ngi don bun ki jaitbynriew hangne ha Jylla bad kam long kaba suk ban donlang baroh hynrei ngi la pynthikna ban bat ia ka bha ka miat ki brieve jong ngi bad ban ai ka jingsynshar kaba biang".

Ha kane ka prokram kaba dang iaid bha ka jingiakren bad ha kajuh ka por ba ki riew ngeit Muslim ki dang mane Adhan ha ka Mosque ba marjan, kaba pynlong ia u Myntri Rangbah ka Jylla ban pynsangeh ia ka jingkren haduh ban da dep ka Adhan (Azan).

Ha ba bteng ia ka jingkren u Myntri Rangbah u la iathuh ruh shaphang New Shillong Township, ula ong ba shuwa jong ka ilekshon, ka Sorkar NPP ka la pynbna ia ka song pisa ba T. 10,000

klur ban shna ia ki surok, pynbiang umbam umdih, ki ophis treikam bad ka Knowledge city ha New Shillong Township.

Haba kyrpad ia ki paidbah ba kin vote ia ka kyrtong ka NPP Dr M Ampareen Lyngdoh, ula ong, "Ka Kong Ampareen ka dei ka kyrtong kaba biang eh ban mihkmat ia ka Jylla ha Parliament. Kan

Ujor ba shah shim wai ka kali na Upper Lachumiere

Shillong Lber 31: Ka khubor ba la ioh na ki pulit la iathuh ba uwei u nongshong kaba hab hapoh ka Upper Lachumiere, Shillong u la phah ia ka jingujor ba ha ka 13 tarik u Rymphang, 2024 ha ka por kumba 11.30 baje mynstep, uwei u ba kyrteung u Deo Kumar Rai u la shim wai ia ka kali Hyundai Verna jong u da kaba kular ban wanrah biang hapoh ka 2 kynta hynrei u khlem da lah ban pynpoi ha katei ka por. Ha kaba iadei bad kane na ka liang ki pulit ha ka 15, tarik mynta u bnai ki la ioh bat ia katei ka kali ha ryngkatlang bad uba la shah kynnoh ha Polo, Shillong, kham hadien utei uba la shah kynnoh u la kynnoh kylla ia utei uba la ujor.

Pynstet ki lad jingiarap sha kiba shah

jingbit na ka sorkar jylla na ka bynta kino kino ki lad ai jingiarap hynrei ki lah ban shim hi ka rai ha ka bor jong ki lah ban pynpoi ia ki lad ai jingiarap kyntuh wat ban sam ia ki tiar ban shna iing kum ki tin sopieng. Ia kane ka rai laitudid la dep ban ai ha ki Deputy Commissioner," u la ong.

Lah ban kdew hangne ba ha ka sngi U Blei, ka lyer kaba jur ryngkat u slap ka la pynjulor ia bun bha ki iing ha Meghalaya kaba la antad kumba 200 tylli ki longiing ki la duh noh ia ki iing ki sem jong ki.

Ha kane ka jingjia, don ruh kiba la mynsaw bad bun ki jaka kiba la shong khlem bording na ka daw ka jingkhyllem ki dieng ha kiba bun ki jaka. Kane ka eriong ka la pynjot ruh wat ia ki jingthung jingtep ha kiba bun tylli ki shnong.

Lada shu khein kyllum tang na kiba ioh jingtip, la kumno kumno ki iing kiba shah pynjulor ha kane ka jingwan syllad ka eriong ki la kot sha kumba 150 tylli ei ei ne kumba hapoh 200 tylli.

Tang ha Ri Bhoi District, da ki phew tylli ki longiing ki la julor ha ki thain khappud jong ka Block - II ha ka jingwan syllad ka eriong ha ka sngi U Blei ha ka por 4baje ei ei.

Haba phai sha ka jingjia ha ka thain Block II bad hap ha ka Raid Nongtung ha Ri Bhoi, ki lai tylli ki Shnong ki la shah ktah bha ba kyntuh ip ka Shnong Ummat I, Ummat II bad ka Shnong Nongsder ha kaba 28 tylli ki iing ki la shah pynjulor ha ka eriong erngit ha kitei ki 3 Shnong.

Kane ka eriong ka la leit ruh ban syllad ia ki iing ki sem ha ka thain Jirang

nalor kiwei kiwei ki shnong kiba don ha ka thain Ri Bhoi. Halor kane ka jingjia ba sngewsih bun ruh ki longiing ki la kylla khlem iing khlem sem ha kaba katei ka eriong bajur ka la wan ban punjulor ia ki iing ki sem bad baroh ki jingdon jingem jong ki hapoh ki iing ki sem.

La ong ruh ba kane ka eriong ym tang ba ka punjulor ia ki iing ki sem, hynrei bun ki jingthung jingtep ruh ki la julor ba la don ruh ka jingiap phria ha ka thain Ri Bhoi.

Ha South West Khasi Hills pat la ioh jingtip ba ka jingshah pynjulor ki iing ki sem ka la kot sha ki 68 tylli bad ki don pat kumba 39 tylli kiba shah pynjulor malu mala. Kine ki jaka ba syllad ka eriong ki kyntuh ha ki thain jong ka Warsan Lyngdoh,

sa kren na ka bynta ki brieve jong ngi. Ka Sorkar NDA kan wan biang ha ka bor ha Delhi bad ka long kaba kongsan ban ngin don ka kyrtong NDA ban shah jied napoh ka Jylla. Ka NPP ha ka Jylla bad ka NDA ha ka Sorkar Pdeng, kan pynlah ia ki ban treikam ryngkat ryngkat bad pynthikna ia ka roi ka san jong ka Jylla".

Mawjaraiñ, Nongrim Mawpat, Pynenumjarañ, Umsaw, Nongtyññiaw, New Mawjai, Nongpuññskei, Mawnoe, M a w h i a n g r n g a , Mawkhlaitngap, Mawpat, Rangmaw, Mawsaw, Manad, Phlangdiloiñ, Wakkaji.

Kane ka eriong ka la pynjulor jur ruh ia ka skol Vesto Upper Primary School kaba don ha shnong Rangjadong ka la shah lied noh ki tin sop bad la don ki iing brieve bad ki dukan kiba la shah pynjulor malu mala.

Ha West Khasi Hills ruh kumjuh ki la don da ki phew tylli ki shnong kiba la ngat lang ha katei ka apt ha ka miet 31tarik u Lber ha ka thain Ri Muliang kum ha Langpih, Tynghor, Umyiap bad kiwei kiwei ki shnong ba marjan.

Ban rakhe ka jingdap 3 snem, pynlong ka seng HITO ia ka jingai sumar ei ia ki khynnah

Shillong iaiong, 01: Ban rakhe ia u mawmer jong ka jingdap 3 snem jong ka seng, mynta ka sngi ka 1 tarik u iaiong 2024, ka Seng Hynñiewtrep Integrated Territorial Organization (HITO) ka la pynlong ia ka jingai jingsumar ei ia ki khynnah khunswet kiba don ha ka God's Dream Home ha Pynthorbah.

ia kane ka jungai jingsumar mynta ka step la plie da u Pastor C. Marbañiang ha ka jingiadon lang ki Doktor, ki Nurse, bad ki nongialam jong ka seng HITO.

Haba kren ha kane ka sngi na ka liang u President ranghah ka Seng u Bah Donbok Dkhar u la ong, ba ka jingwan

ka Seng ban iadonlang ha kane ka sngi kadei shibynta ban rakhe ia u mawmer jong ka jingdap 3 snem ba la seng ia ka.

Ka seng ka la mut ban rakhe ha ka 3 tarik jong mynta u bnai iaiong hynrei namar ba ka dei ka por long skol bad ka iatyangkhuh bad ka sngi longskul ki khynnah, kumta ka seng ka la iadonlang noh mynta ka sngi namar kadei ka sngi shuti kaba ki ong ka "Easter Monday " kum ka dak ban noh synñiang sha ki khynnah, la bynrap u Bah Donbok.

U Bah Donbok u la bynrap ruh da kaba ong, ba ka jingpynlong ia kane ka jingai jingsumar ei ia ki khynnah ka long shibynta ban iarap ia ki.

Dawa phiah shnong ki 25 tylli ki longiing na u Syiem Raid Mawbuh

Shillong, iaiong 01: Arpew san tylli ki longiing na ka shnong Lawbyrwa Ribhoi district, kila dawa ia u Syiem ka Raid Mawbuh ban

phiah shnong bad ban ai Rangbah Shnong thymmai ia ki nongshong shnong ka Lawbyrwa namar ka jingkyntuh leh donbor u Rangbah Shnong thymmai bah Rijied Kharkrang.

Ha kaba iadei bad kane haba kren sha ki lad pathai khubor u Bah David Kurbah uwei na ki nongshong shnong ka Lawbyrwa, u la

ong ba kane ka jingiakynad hapoh ka shnong la kynnoh ba ka la mih naduh ba shimti u Bah Rijied Kharkrang kum u Rangbah shnong thymmai.

U la pynshai ruh ba ka jingkam u Rangbah Shnong ba ki don tang 5 tylli ki longiing ka long kaba bakla namar ki don haduh 25 tylli ki longiing kiba kwah ban ioh ia la ka jong ka shnong ban lait na ka kynrum kynram.

U la kynnoh ruh ba une u Rangbah Shnong u la leh donbor da kaba rat wat ia ki

pipe JJM na kine ki longiing bad byrngem ruh ban pynduh ia kane ka scheme nalor ban pynduh ruh ia ka Certificate shnong.

“U Rangbah Shnong thymmai u Bah Rijied Kharkrang u shun bha iaki 25 tylli longiing naduh ba u jop iaka ilekshon Rangbah Shnong daka ba kynnoh ba ngim pdiang ia u ban long nongialam shnong bad ula kynnoh ruh ba ngi ki 25 ing ngi dei ki Sohlah pyut, u dieng pynkiang bad u maw jingthut” kila kynnoh.

Pynlong jingiakob shut jabieng ka Sankardev College na bynta ki College

Shillong, iaiong 01 : Ka Sankardev College Shillong ha ka 27 tarik mynta u bnai Lber ka la pynlong ia ka jingiakob shut jabieng (Inter-College Quiz competition) ryngkat ka jingiatrei lang bad ka sorkar jylla hapoh ka CMYDS 2022-2023 na ka ophis u Deputy Commissioner, East Khasi Hills District.

Ha kane ka jingiakob la wan ia shimbynta da ki phra tylli ki College kiba don ha Shillong. Ha ka jingiakob, ka Sanjana Rani bad u Niyazul Rehman kiba mihkmat na St. Edmund's College ki la khur ia ka nam lahduh bad khur ia ka song pisa kaba 5,000 tyngka ryngkat ka symod.

Ia ka kyrdan ka ba-ar la ioh rah da ka Diya Sinha bad u Rajesh Barman na Raid Laban College, bad khur ia ka song pisa ba 4000 tyngka ryngkat ka symod. Ia kyrdan kaba lai pat la ioh da ka Jennifer R Marak bad ka Christina Themsingphi AS na St Anthony's College bad khur ia ka song pisa kaba 3,000 tyngka.

Ia ka jingiakob ha kane ka sngi la pynñaid da u Babu Batskhem Rapsang, Assistant Teacher jong ka KJP Girls Higher Secondary School kum u Quiz Master.

Kyrpad ka UDP Amlarem ban kyrshan

Kharjahrin khnang ba kan pynsuk ban treikam ha kaba iadei bad ki kam pynroi bapher bapher hapoh ka Amlarem Constituency.

U MDC barim Bah Lamdbok Sumer uba long u Vice President jong ka UDP Amlarem Circle Unit bad u Bah Medling Swer uba long u Working President ki la pynsngew hakmat ka jingialang ia ki thong treikam jong ka party bad kumjuh ruh ka jingpyntyllun ia ki kam nangne shakhmat ban pynkhreh ia ka elekshon Lok Sabha.

U Adviser jong ka UDP Amlarem Unit Bah Kolmen Pohshna u la kyrpad ia ki paidbah ka Amlarem Constituency ba kin iasnohkti lang kumba la paw ha kine ki san snem ba ladep lyngba ka jingtrei shitom jong u MLA ban wanrah ia ki song pynroi bad ban kyntiew ia ka thain ha kaba iadei

bad ka jingwanrah ia ki Govt. LP School Building, ka umbam umdih, ka iohkam iohjam, ki lynti ki synkien bad kiwei kiwei ki jingdonkam jong u paidbah.

“Nga kyrpad ia ki paidbah ba kin klet ia kino kino ki jingsngew party bad ban ai jingkyrshan pura kumba la bthah da u MLA khnang ba u kyrtong ka RDA un long u MP uba lah ban wanrah ki jingkylla ha ka Jylla hi baroh kawei,” u la ong.

“U Bah Robert June Kharjarin u dei u kyrtong uba dang thymmai bad u bym pat don ia kano kano ka dak thobria long u Candidate ba dang thymmai u bym pat don kano ka jingthoh bria,” u la ong bad bynrap, “ka RDA ka la jied ia u kyrtong uba kynsai bad uba la don ka jingngang jingstad bad ka jingshemphang uba lah ruh ban iasaid ia ka khia ka shon jong ka jylla ha Parliament.”

Ka VPP ka ong ba kan sa thaw ia ka lawei ka

Haba ong ba ka PRIME ka la dei kawei na ki kam kiba bha hapoh ka ri India kaba la dep ban pyllait da ka sorkar Meghalaya, u Bah Shangpliang u la ong ba hapoh ka PRIME, ki la don kumba 5,500 ngut kiba la seng kam la jong kiba kiba la ioh ia ki lad jingkyrshan kaba la long ka jingiarap ha kaba iadei bad ka jingkyrduh kam kyrduh jam ha ka jylla.

U Bah Shangpliang u la pyntip ruh ba ki la don haduh 20,000 kiba la seng kam kiba la ioh ka jingkyrshan CM ELEVATE.

U Bah Shangpliang u la ong ba ka sorkar ka la thaw ia ka Shillong Tech Park ka la dei ka kaba la iarap ha ka ban sengkam la jong.

"Kine ki la dei ki jingsdang kiba la dei ki nongrim kiba donkam ia ka lawei jong ki samla ban shim kabu ia ki lad jingiarap ba la ai da ka sorkar," ong u nongaiktien ka NPP.

Shaei jah ka Committee u Gopal Dey haba

ban shu kynnoh kulmar bad ka seng ka lah ong ba ki bor Pulit ki dei ban pynngat bad shitom hapoh ka aiñ ia u kum kine ki brieve kiba kynnoh khlem ki sabut satar ba biang," la ong ka seng ha u kyrwoh ba la phah da u President u Bah Jersom Shylla.

“Ladajiaei ei ia ki bar jylla la shu kynnoh beit ia ki dkhot sengbhalang na ki por sha ka por bad ka seng ka maham ruh ia u Gopal Dey ba um dei ban shu kynnoh khlem ka

sabut bad ka kynhun tohkit ki Pulit ki la leh la ka kamram,” u la ong bad bynrap, “ka seng ka dawa ruh ia ki bor synshar distrik bad ia ka sorkar ba da lelei ym dei ban ailad ban pynlong jingialang ki ne ki kynhun poiei ka CWC namar kan nang pynshit ia ki dkhot ka jaitbynriew bad kan nang wanrah shuh shuh ia ka jingsngew pher jaitbynriew bad ia umsnam,” la ong ka Seng.

“Ka seng ka buh jingkylli ruh na ka Sorkar

Maham ka UHM ia ka CWC ban ym padiah kulmar

seng ka maham jur ia ka CWC ban shu padiah khlem nongrim ioh lyngba kane ka jingpadiah kulmar kane ka CWC kan poi pynban sha ka thma kaba heh.”

“Ka seng ka sngew ban buh jingkylli na ka Sorkar Jylla hato kito ki mynder kiba shim ia ka jingim jong u Bah Lurshai Hynñiewta (bam kwai ha dwar U Blei) ki lah shah pynsajia neem katsum ka aiñ nalor ba la tip thikna ba dei ma ki kiba leh ia ka kam bymman. Hato ka Sorkar ka la iohkem neem ia u Vicky Dey uba la bymgem ia ka KSU kumjuh ia ka jaitbynriew Hynñiewtrep ban pynñiap klep ia ngi,” la ong une u nongialam ka UHM.

“U kyrwoh ba shai lyngba ka UHM sha ki bar jylla bad khamtam kane ka CWC ba wat pynbor ia ngi ki dkhot ka jaitbynriew Hynñiewtrep na ngin shim ia ki sienjam ba tyngeh lyngba kane ka jingtei pop ia ka KSU bad kumjuh ia ki dkhot ka jaitbynriew jong ngi haba ka aiñ ka don ban bishar sngewbha wat padiah kulmar,” la maham u Bah Rani.

Haba maham ia ka Meghalaya Linguistic Minority Forum (MLMF) ka UHM ka la ong “ka Meghalaya Linguistic

Minority Forum ka dei ban sangeh mardor halor ka jingthmu ban shong kyllaiñ myngor ha Khyndailad namar kane kan long pynban kumba theh umphniang ia ka ding ba dang klang mynta bad lada ka Sorkar kan ailad ia kum kine ki jingthmu jong ka MLMF kan sa poi sha ka jingiapther jaitbynriew bad kan sa mih ruh ka jingiapyni bor bad lada jia kano kano ka jingjia ba sngewsih lyngba kane ka Sorkar kan hap shim hi ia ka jingkit khlieh.”

Ka Seng ka pynrem jur ia ka Sorkar Kmie halor ka jingpyntreikam ia ka Citizenship Amendment Act (CAA) bad kumba ka jaitbynriew hi baroh kawei ka pyrshah kumta ka Seng ruh kan ia pyrshah ia kane ka aiñ iajakjor. Ka Seng ka dawa ba ka Sorkar Jylla ka dei ban shimkhia ia kane ka mat ban pynsngew ruh sha ki tyndong shkor jong ka Sorkar Kmie ba kam dei ban pyntreikam ia kane ka aiñ hapoh ka Jylla Meghalaya ba ha ka jaka jong kane ka dei ban pyntreikam noh mardor ia ka Inner Line Permit (ILP), ka jingpynrung ia ka ktien Khasi ha ka Khymit Baphra jong ka Riti Synshar ka Ri India bad ban pynthikna ia u pud u sam uba biang.